

嘉慶延安府志

延安府志卷六十六

雜錄

明史流賊下

張獻忠者延安衛柳樹澗人也與李自成同歲生長隸延綏鎮爲軍犯法當斬主將陳洪範奇其狀貌爲請於總兵官王威釋之乃逃去崇正三年陝西賊大起王嘉允據府谷陷河曲獻忠以米脂十八寨應之自號八大王明年嘉允死其黨王自用復聚衆三十六營獻忠及高迎祥羅汝才馬守應等皆爲之渠其冬洪承疇爲總督獻忠及汝才皆就撫已而叛入山西偕羣賊焚掠尋擾河北又偕渡河

白是陝西河南海湖廣四川江北數千里地皆被蹂躪當此之時賊渠率衆無專主遇官軍人白爲鬪勝則爭進敗則竄山谷不相顧官軍遇賊追殺亦不知所逐何賊也賊或分或合東西奔突勢日強盛八年十三家會滎陽議敵官軍守應欲北渡獻忠嗤之守應怒李自成爲解乃定議獻忠始與高迎祥並起作賊自成乃迎祥徧禪不敢與獻忠並及是遂相頡頏與俱東掠連破河南江北諸縣焚皇陵已而迎祥自成西去獻忠獨東圍廬州舒城俱不下攻桐城陷廬江屠巢無爲潛山太湖宿松諸城應天巡撫張國維禦之獻忠從英霍道道麻城台守應等入關會迎祥於

鳳翔已復出商洛屯靈寶以待迎祥迎祥至則合兵復東  
總兵官左良玉祖寬擊之獻忠與迎祥分道走寬追獻忠  
戰於嵩縣及九臯山三戰皆克俘斬甚衆獻忠恚再合迎  
祥衆還戰復大敗迎祥尋與自成入陝西而守應汝方諸  
賊各盤踞鄖陽商洛山中不能救獻忠亦遁山中明年秋  
總督盧象昇去苗胙土巡撫湖廣不習兵於是獻忠自均  
州守應自新野蝎子塊自唐縣並犯襄陽衆二十餘萬總  
兵秦翼明兵寡不能禦湖廣震動獻忠糾汝才守應及閩  
塌天諸賊順流東下與江北賊賀一龍賀錦等合烽火達  
淮揚南京兵部尙書范景文操江都御史黃道甫總兵官

楊御蕃分汛固守安池道御史史可法親率兵當城衝賊  
從問道犯安慶連營百里巡撫國維告警詔左良玉馬壚  
劉良佐合兵援之遂大破賊賊走潛山之天王古寨國維  
檄良玉搜山良玉不應尋北去賊乃復出太湖連斬黃賊  
官軍於鄧家店殺叅將程龍陳于王等四十餘人會總兵  
官牟文綬偕良玉來援復破賊賊皆遁獻忠入湖廣是時  
河南湖廣賊十五家惟獻忠最狡黠勅次則汝才獻忠  
嘗僞爲官兵欲紿宛城良玉適至獻忠倉皇走前鋒羅倫  
射之中額良玉馬追及乃拂獻忠面馬馳以免會熊文燦  
爲總理刊檄撫賊闖場天者本名劉國能與獻忠有郤詣

文燦降獻忠創甚不能戰大恐十一年春偵知陳洪範隸  
文燦麾下爲總兵大喜因遣間齎重幣獻洪範曰獻忠蒙  
公大恩德不死公豈忘之邪願率所部降以自效洪範亦  
喜爲告文燦受其降巡按御史林銘球分巡道王瑞栴與  
良玉謀俟獻忠至執之文燦不可獻忠遂據穀城請十萬  
人餉文燦不敢決時羣賊皆聚南陽屠掠旁州縣文燦赴  
裕州益大發檄撫賊汝才以戰敗乞降於太和山監軍太  
監李繼改明年射場天混十萬過天星闕索王光恩等十  
三家渠帥先後俱降陝西總督洪承疇巡撫孫傳庭復大  
破李自成自成竄嶺函山中朝廷皆謂賊撲剪殆盡獻忠

在穀城訓卒治甲伏言者頗疑其欲反帝方信兵部尙書楊嗣昌言謂文燦能辦賊不復憂也夏五月獻忠叛殺知縣阮之鈿舉穀城陷房縣合汝才兵殺知縣郝景春十三家降賊一時並叛惟王光恩不從獻忠去房縣左良玉追擊之羅岱爲前鋒至羅猴山岱中伏死良王大敗嗣昌已拜大學士乃自請督師帝大悅十月朔日昌至襄陽集諸將議進兵時羣賊大掠賀一龍賀錦犯隨應麻黃與官軍相持汝才及過天星窺伏漳房興遠獻忠距湖廣四川界將西犯嗣昌視東略稍緩乃宿輜重襄陽潯濠築城甚固令良玉專力勦獻忠十三年閏正月良玉擊賊柵平關獻

忠遁追至瑪瑙山城據山拒敵良玉先登賀人龍李國奇  
夾擊大敗之斬首千三百餘總禽獻忠妻妾湖廣將張應  
元汪之鳳追敗之 右壩川將張令方國安又邀擊於岔  
溪獻忠奔柯家坪張令逐北深入被圍應元之鳳援之復  
破賊獻忠率千餘騎竄與歸山中勢大蹙初良玉之進兵  
也與嗣昌議不合獻忠遣問說良玉良玉乃圍而弗攻獻  
忠因得與山民市鹽芻米酪收潰散掩旗息鼓益西走白  
羊山時汝才及過天星從寧昌窺大昌巫山欲渡江爲官  
兵所扼獻忠至遂與之合獻忠雖累敗氣益盛立馬江岸  
有不前赴者輒戮之賊爭死鬪官軍退走賊畢渡屯萬頃



山歸巫大震已而汝才過天星犯開縣不利汝才東走過  
天星復軼開縣而西諸將往復追逐獻忠乃悉衆攻楚兵  
於土地嶺副將潘之鳳戰死遂陷大昌進屯開縣張令戰  
死石柱女土司秦良玉亦敗汝才復自東至與獻忠轉趨  
達州川撫邵捷春退扼涪江賊北陷劍州將天漢中總兵  
官趙光遠賀人龍守陽平百丈險賊不得過乃復走巴西  
涪江師潰捷春論死獻忠屠緜州越成都陷瀘州北渡陷  
永州走漢川德陽入巴州又自巴走達州復至開縣先是  
嗣昌聞賊入川進駐重慶監軍萬元吉曰賊或東突不可  
無備宜分中軍間道出梓潼扼歸路嗣昌不聽擬令諸將

盡攻瀘州追賊十四年正月總兵猛如虎叅將劉士傑追  
之開縣之黃陵城賊還戰官軍大敗士傑及遊擊郭開等  
皆死獻忠果東山令汝才拒郾撫袁繼成兵自率輕騎一  
日夜馳三百里殺督師使者於道取軍符給陷襄陽城獻  
忠聘襄王翊銘置堂下屬之酒曰我欲借王頭使楊嗣昌  
以陷藩誅王其弩力盡此酒遂殺之并殺郾襄道張克儉  
推官鄭日廣復得其所失妻妾又去陷樊城當陽郟合汝  
才入光州殘商城羅山息縣信陽固始分軍犯茶山應城  
陷隨州偽張良玉幟入泌陽再攻應山不克去攻郾陽守  
將王光恩力戰始解又拔郾西羣盜附者萬計遂東略地

獻忠自瑯琊山之敗心畏良玉及屢勝有驕色秋八月良玉追擊之信陽大破之降賊衆數萬獻忠傷股乘夜東奔良玉急追之會大兩江濫道絕官軍不能進獻忠走免已復出商城將向英山又爲副將王允成所破衆道散且盡從騎止數十時汝才已先與自成合獻忠遂投自成自成以部曲遇之不從自成欲殺之汝才諫曰留之使擾漢南分官軍兵力乃陰與獻忠五百騎使遁去道糾土賊一斗殺无罐子等衆復盛然猶佯推自成先是賊營葦左二賀陷含巢潛諸縣欲西合獻忠以湖廣官軍沮可得達及汴圍急督師丁啟睿及左良玉皆往援汴獻忠乘間陷亳州

入英霍山中與革左二賀相見皆大喜明年合攻陷舒城六安掠民益軍陷廬州知府鄭履祥死陷無爲廬江習水戰於巢湖太監盧九德以總兵官黃得功劉良佐之兵戰於夾山敗績江南大震鳳陽總督高斗光安慶巡撫鄭二陽逮治詔起馬士英代斗光是秋得功良佐大破賊於潛山獻忠服心婦望盡走蘄水革佐二賀北投自成已獻忠復襲陷太湖會良玉避自成東下盡撤湖廣兵自從獻忠聞之又襲陷黃梅十六年春連陷廣濟蘄州蘄水入黃州黃民盡逃乃驅婦女剗城尋殺之以填塹麻城人湯志者大姓奴也殺諸生六十人以城降賊陷忠改麻城爲州又

西陷漢陽金軍從鴨蛋洲渡陷武昌執楚王華奎籠而沈  
諸江盡殺楚宗室錄男子二十以下十五以上爲兵餘皆  
殺之由鸚鵡洲至道士泇浮齒蔽江踰月人脂厚累寸魚  
籠不可食獻忠遂僭號改武昌曰天授府江夏曰上江縣  
據楚王第鑄西王之寶僞設尙書都督巡撫等官開科取  
士以興國州柯陳兩姓土官悍勇招降之題詩黃鶴樓下  
令發楚邸金賑饑民斬黃等二十一州縣悉附時李自成  
在襄陽聞之忌且怒貽書譙責左良玉兵復西上僞官吏  
多被禽殺獻忠懼乃悉衆趨岳州長沙於是監軍道王瓚  
沔陽知州章曠武昌生員程天一白雲寨長易道三皆起

其部將黃漢陽三府皆反正獻忠遂陷咸寧蒲圻偏岳  
州無寧寧立德總兵孔希貴等據陳陵磯拒戰三戰三克  
遂走蒲圻獻忠怒百道並進乾德等不支皆走岳州陷獻  
忠欲渡洞庭湖卜於神不吉投琰而詢將渡風大作獻忠  
怒燒巨舟千艘載婦女焚之水光夜如晝騎而過長沙巡  
按劉熙祚奉吉王惠王走衡州總兵尹先民降長沙陷尋  
破衡州吉王惠王桂王俱走永州乃折桂府材載至長沙  
造偽殿而自追三王於永熙祚命中軍護三王入廣西身  
入永死守城陷見殺又陷寶慶常德發固督師楊嗣昌祖  
墓斬其屍見血攻道州守備沈至緒戰歿其女再戰奪父

屍還城獲全遂東犯江西陷吉安袁州建昌撫州永新安  
福萬載南豐諸府縣廣東大震南部屬城官民盡逃賊有  
獻計取吳越者獻忠憚良玉在不聽決策入川中十七年  
春陷夔州至萬縣水漲留屯三月已破涪州敗守道劉麟  
長總兵曹英兵進陷佛圖闕破重慶瑞王常浩遇害是日  
天無雲而雷賊有震者獻忠怒發巨礮與天角遂進陷城  
都蜀王至澍率妃夫人以下投於井巡撫陳士奇被殺是  
時我

大清兵已定京師李自成遁歸西安南京諸臣尊立福王  
禽故大學士王應熊督川湖軍事兵力弱不能討賊獻忠

遂僭號大西王國改元大順冬十一月庚寅卽僞位以蜀王府爲宮名成都曰西京用汪兆麟爲左丞相嚴錫命爲右丞相設六部五軍都督府等官王國麟江鼎鎮龔完敬等爲尙書養子孫可望艾能奇劉文秀李定國等皆爲將軍賜姓張氏分徇諸府州縣悉陷之保寧順慶先已降自成置官吏獻忠悉逐去自成發兵攻不克遂據有全蜀惟遵義一郡及黎州土司馬金堅不下獻忠黃面長身虎額人號黃虎性狡譎嗜殺一日不殺人輒悒悒不樂說開科取士集於青羊宮盡殺之筆墨成坵塚坑成都民於中國殺各衛籍軍九十八萬又遣四將軍分屠各府縣名草殺



偽官朝會拜伏呼號數十下殿焚所輿者引出斬之名天  
殺又創生剝皮法皮未去而先絕者刑者抵死將卒以殺  
人多少叙功次共殺男女六萬萬有奇賊將有不忍至繼  
死者偽都督張君用王明等數十人皆坐殺人少剝皮死  
并屠其家脅川中士大夫使受偽職叙州布政使尹仲廣  
元給事中吳宇英不屈死諸受職者後尋亦皆見殺其慘  
虐無人理不可勝紀又用法移錦江涸而闕之深數丈埋  
金寶億萬計然後決堤放流名水藏日無爲後人有也當  
是時曾英李占春于大海王祥楊展曹鄭等義兵並起故  
獻忠誅殺益毒川中民盡乃謀窺西安。

順治三年獻忠盡焚成都宮殿廬舍夷其城率眾出川北  
又欲盡殺川兵爲將劉進忠故統川兵聞之率一軍逃會  
我

大清兵至漢中進忠來奔乞爲鄉導至鹽亭界大霧獻忠  
曉行猝遇我兵於鳳凰坡中矢墜馬蒲伏積薪下於是我  
兵禽獻忠出斬之川中自遭獻忠亂列城內雜樹成拱狗  
食人肉若猛獸虎豹齧人死輒棄去不盡食也民逃深山  
中草衣木食久徧體皆生毛獻忠旣誅賊黨可望能奇文  
秀定國等潰入川南殺曾英李乾德等後皆降於永明王

延安府志卷六十七

文徵一

近時爲方志者咸立藝文一部徃徃占篇冊中十分之六  
輕重失宜莫此爲甚今錄其有關於一方之掌故及于縣  
之輿地者收之分爲三類曰金石曰書目曰著述以附府  
志之後備稽覽焉

州縣之志金石金石非取參古橫今勣成家學惟以年月  
姓名金石姓名金石文之未備者亟登錄之若文之  
善否字

比新廢人

登于藝文并廣收官是土者

懷鄉念友之作唯恐稍漏以致羣譏此則登之選部或類  
華虞流別之書語以史才殊慙左氏謹嚴之旨矣今做漢  
書藝文志之例惟載十屬人所著書幾種卷帙若干以備  
國史通志採取目書目者做中興館閣書目等號也

著述中錄奏疏條議等類尤詳取其經事綜物敷陳治道  
文章之用莫重于斯且與一方民物關係甚鉅也

徵實之文與本書紀事尤相表裏故有卽錄入不復刪削  
至若碑刻之文自元以後不錄入金石者亦採其全文其  
重在徵事得實仍于篇後存具年月以備考證與金石相  
互見焉

金石

宋石刻唐渾忠武王本傳

熙寧五年 正書

右在宜川縣城外東南五里鳳翅山渾忠武王祠

書石刻渾忠武王本傳碑陰

熙寧五年壬子四月丙寅日 知丹州王克正書

文云王昔封咸寧克今幸守此邦賓王之故國拜謁祠  
下仰瞻廟貌慨然永懷惟王有不世之功勘定唐難忠  
義感發百世之下聞其風者奮然思立而遺休餘烈舊  
俗無傳今雖措諸文辭不足發揚稱贊因取國史本傳

刊之以爲後世觀 按唐貞元至宋熙寧五年蓋二百八十餘年耳未甚懸遠以爲實王故國殆不誣云

渾王廟記

元豐二年三月 馬唐民撰文郭仲益正書

文云自古忠義之士立功于一時其心未必皆欲求聞于後世然到于今有廟食而不絕者是蓋有德于後之人雖載在祠典而歲月磨滅猶恐其名之失傳丹州舊郡卽唐忠武王故封也廟直州之東才二里兩崖間題之曰閭王廟前守王內園克嘗取本史新傳以載于石今左藏高侯守丹之明年春以謝雨至祠下顧視衆回

且謂僚屬按新舊書王未嘗以閩封又聞非國名特閩  
與渾聲近之誤耳迺改榜爲渾王廟高侯通古今善辨  
論尤勇于爲義如王之稱不正者久矣一旦遂正之使  
其力所得而正者其決當何如元豐二年三月初九  
日右在渾忠武王廟 按碑所稱高侯爲左藏庫副使  
知丹州事高渙以元豐二年任丹州刺史見職官

閩使君祠堂後記

元豐三年 馬唐民撰文郭仲益正書

文云丹州治舊在三堡原唐高宗永徽二年辛亥閩使  
君以治所地狹而峻遷于丹陽川之口昭宗景福中刺

史王公惜其德施于人而名晦不顯因訪耆舊得使君故塋于西嶺構屋而祠之并刻其記元豐戊午今太守高侯下車謁其祠殆不忍觀雖記石毀剝賴尙可辨遂命復葺修其墳列木以環之將續其記且曰舊文殘缺不爾則無以見于後高侯累守遂郡遇與人講求利害事不啻若親任其職自到丹每顧視城壁樓櫓嘗謂未盡扞禦道何暇應敵監司上其言朝廷從之自二月起功復建言請接山城以備不虞議亦垂下因思自永徽辛亥至今庚申實四百三十年中間更幾守方無事時其相繼能遠慮者不知凡有幾因記之並以告使君



右在宜川縣西嶺 按闕使君通志前府志俱不載未  
詳何人然遷丹州于赤石川實如使君其有功于宜川  
明矣又此碑相傳以爲渾瑊廟後記誤闕中金石錄亦  
不言其姓聞茲特據碑補入

高渙等題名

元豐四年二月 郭仲益正書

題名云高渙濟川李孝胤世攻馬唐彥先謝舜賓子元  
任牧之謙叔陳明之晦叔郭仲益舜俞元豐辛酉歲仲  
春二十有四日同觀修山城舜俞題

右在宜川縣西城外岩下 按七人一爲丹州刺史一

爲知宜川縣事馬唐民以下五人皆本縣人唐民縣志云慶元二年進士官員外郎

巡檢馮方題名

元符三年 馮方正書

題名云元符三年甘泉臨真兩縣巡檢馮方

右在甘泉縣城外石佛洞柱 按宋時巡檢駐劄何處無考

王碩題忠武王廟碑記

崇寧元年九月 正書

文云余熙寧中充本州都知兵馬使時太守高公煥葺

茲靈祠嚴乃神像命余督工于此因勸姓召于石至元  
豐初余方以勞受祿遂踐仕途從种帥紹略深入虜廷  
討盪比月保全而歸濫遷資級建中內兩任環慶將副  
擊强矯虛累至戎境鹽宥州還凱告功屢被聖澤豈不  
賴明神上佑乎余潔齋躬祀屈指往事已二紀餘矣傷  
時代徙不覺慨然乘興濡毫漫記歲月時崇寧改元九  
月十五日

右在渾忠武王廟元豐二年廟記上方  
孫廣等題名

政和二年八月 孫怡行書

題名云皇城使知丹州孫廣朝請郎通判朱定奉朝旨  
勸農回率如京使鄜延路第八將□案內殿承制前兵  
馬都監李芳內殿承制都巡檢使孫怡內殿崇班前兵  
馬都監趙叔紕左侍勞□□巡檢王進宜川縣令孫金  
主簿張察縣尉薛覺民會件嚴下時政和二年八月三  
十日孫怡奉命書

右在宜川縣西城外岩下 按內數字磨滅不可識又  
左側尚有石刻一字俱剝落難辨縣志謂如京二字疑  
誤按如京使係宋時官階見宋史職官志縣志以謂誤  
非是

金九天廟碑

年月失 正書

右在宜川縣北九十里雲岩里西畔村文俱磨滅惟碑末丹州通判孫居寬宜川縣知縣張天祺等十數字可

識

勅祭渾忠武王文并尙書禮部牒

偽齊阜昌六年九月 正書

文云維阜昌六年歲次乙卯九月辛未朔二十一日辛

卯皇帝遣武節大夫閣門宣贊舍人權知丹州軍州事

兼管內安撫司公事兼勸農事劉議昭薦于咸寧郡王

維神昔奮節義爲時名臣當奉天之難唐室傾危致命  
匡主克殄妖氛載在信史勛庸蔚然故雖死而不朽廟  
食咸寧英爽流靈如生有所必應民受賜焉迺者時雨  
久愆官僚精神挹彼靈祠之清泉遂獲嘉澍稿苗勃興  
歲時有成長吏以聞深切嘉歎是用祗遣使人持此名  
薰式陳明薦庶答神庥惟神其鑒尙饗

右在渾忠武王廟 按牒文已見文徵不更錄

勅祭渾忠武王記

阜昌七年正月 王蔚撰文王寵正書孟醇篆額

文云唐將威寧郡渾王在德宗朝爲時名臣履折衝之

任禦侮定亂休功偉績著在信史貞元中由樓煩郡王徙封咸寧追謚忠武後世興建祠宇血食茲土從本封也丹陽之民蒙賴德澤凡有祈禱應若影響阜曰乙卯歲自春徂夏久旱不雨民心皇皇郡刺史躬率吏民敬謁祠下屢獲嘉應前此以守臣之請雖錫真封然止因舊謚未足以稱褒崇之意仍以廟號犯徽祖廟諱抗章以請乞別乞加美號以答神庥九月辛卯天子遣使者頒尺一詔書賫御香祝版太常定儀以祀社稷禮遣守臣武節大夫閣門宣贊舍人權知丹州軍州兼管內安撫司公事兼勸農事劉議勅祭祠下是日也秋高氣爽

祥烟瑞霽飛浮棟宇岩谷生光士民歡騰神人交慶咸以爲自貞元迄今寥寥數百年神之功烈被民垂光後世洵被褒嘉實一時之盛事而聖天子不以踈遠爲間嘉良吏二千石愛民之意特垂聽納如與輔相近臣都俞于一堂之上以成康濟之功感美流輝士庶無不歎服而仰慕豈不侔數阜昌七年正月初四日丹州推官王蔚記

右在渾忠武王廟 按碑爲僞知丹州軍事安撫司劉議立議以渾忠武王謚犯徽祖廟諱抗章請改徽祖者豫之祖也李心傳繫年要錄稱紹興二年四月庚寅豫



遷都汴奉祖考于宋太廟尊其祖忠曰毅文皇帝廟號徽祖宋史以爲四月丙寅非庚寅者誤也是月壬戌朔庚寅月之二十九日也史又云豫召廸功郎王籠不至此記爲籠所書不至之說恐未必是孟醇趙宗室王蔚字叔文史有傳

元重修宣聖廟記

至正四年四月 任惟孝撰文白好義正書篆額

文云崇聖人之道以興學校之教者必達時務之要者也蓋自古惟聖人爲天下之儀表惟學校爲風化之本原故治世之法必出于聖人禮義之興必由于學校爲

守令者固不可不知也宜川古丹州地世有文雅之風  
金末城社邱墟廟學悉灰燼迨我皇元至元乙酉縣尹  
李宥始建文廟于治之西後來者雖名修葺因仍苟簡  
而已至正壬辰正月真定劉侯士涇來宰是邑下車日  
恭謁宣聖觀丹青剝落風雨穿漏慨然者久之咨其僚  
屬力任修理首割俸以資經營于是士庶欣然爭願輸  
財效力時以汝穎金商盜賊分熾調發橫亟未克如志  
于是年七月先構講堂爲生徒肄業之所又撥官田易  
民地築室以居掌教越三年甲午乃重修正殿敬者正  
之壞者補之朽者易之又新兩廡建中門以起凌霄門

于中門外翼之以左右思恭致敬之室興工于仲春中  
旬畢于孟夏望日厥土剛燥厥位面陽厥材孔良蔚然  
爲禮樂教化之光矣昔文翁興學于蜀昌黎延師于湖  
卒能俾蜀之化同齊魯湖之人有文行今劉侯之尹宜  
川旣修文廟以尊聖人文敦學校以興教化不愧識時  
務之俊傑矣後進能因侯之用心志聖人之學致知格  
物以明禮孝弟忠信以戒德自四書而六經由六經而  
諸子必以誠敬爲入門踐履篤實以造乎聖賢之間域  
以明乎帝王之典憲何莫非劉侯之造宜者爲功甚大  
也哉

重修學宮碑

至正九年

右在安塞縣學宮 按碑文縣未打送惟縣志載至正九年達魯花赤脫因知縣劉秉實教諭蕭允中重修文廟創立兩廡見于是碑故列入此

渾忠武王感應碑

至正二十五年三月 魏志遠撰文王克明正書崔安平篆額

文云王爲唐名將當奸臣逆命天子播遷握兵柄建大勛王室再造乘輿返正繇樓煩郡王徙封咸寧後世墓

而廟祀之血食茲土數百年矣邦民祈禱屢獲感應至  
正二十二年冬十月總兵官太保中書右丞相李羅帖  
木耳奉旨守禦延安分命中奉大夫河西江北等處行  
中書省叅知政事朱希哲守禦宜川越明年夏大旱彌  
月不雨田疇龜裂禾苗枯槁民皆以旱爲憂朱相躬率  
吏民敬禱王祠下以失政自責夜期雨降沛然數百里  
南畝霑足禾苗勃興歲功成遂此神之感應一也秋七  
月河東亂軍數千竊渡黃河住營廣野聲言攻宜川朱  
相禱至祠下曰希哲奉天子命來守是邦職在保民禦  
寇今亂軍無故侵我疆場害我禾稼殺我良民予將統

兵甲敵王所佩神若有靈其少助我軍未出是夜亂軍聞營外金戈鐵馬聲驚駭竟夜不寧次早周視營外無人馬跡神其事宜攻延長大掠而還圍洛川尋遇統兵官賢政大夫四川行中書省兼右丞相脫烈伯率大軍至直衝其壘擒殺數百人望風奔潰大兵復進僵屍蔽野盡獲所掠非神助奚以克捷若茲此神之感應二也二十三年春東作方輿傳聞亂軍不釋宿忿將復攻宜朱相戒飭將士奮揚威武以備衝突不數月果萬餘賊分道並進直薄宜川營東山麓見城堅固士馬精強不敢遽攻有軍卒入王殿內盜王袍鎧弓矢攜未至階

忽有聲若雷衆驚入視神像巖然侍衛森列絕無影響  
衆顧而言曰斯乃神怒兵必不利復還其袍鎧弓矢印  
日拔營去行未二十里死戰者數十匹士卒病者數百  
人枕籍于道夜命河南行樞密院鄭帖木耳襲其營斬  
獲甚衆此神之感應三也數載間扶危救災使邊境無  
虞庶民奠安實賴神之庇佑朱相恐歲久湮沒神威靈  
不彰謀刻諸石以示將來命予直書其事如此

右在渾忠武王廟 按元史叛臣傳至正二十二年八  
月孛羅帖木耳據延安欲東渡以奪寧晉十月乃南侵  
擴廓帖木耳所守之地是時孛羅跋扈與擴廓李思齊

等相持彼此踳襲故文又有亂兵侵我疆場殺我良民云云再三公表孛羅以至正二十年爲太保此著其稱于二十二年下者當是追書文體卑靡不足道篆額亦甚矣

延長縣學宮碑

至正中

右在延長縣學宮 按碑文縣未打送今考縣志元縣尹有米邦彥尚廣祖僧奴三人俱見此碑則碑蓋至正間所立也

東獄行祠碑



至正中

右在宜川縣南門外河濱 按碑文縣志不載惟元縣尹王從仕下云見東嶽行祠碑從仕係至正中任則碑亦至正中立也

延安府志卷六十八

文徵二

書目 按俱據府縣志中所列及者載無則缺

尙書遺旨

二卷 明橫州知州宜川劉子誠撰

杖履

三篇 劉子誠撰

經書說約

無卷數 明兵部職方司主事安定白鍾靈撰

四書解

無卷數 明延長學正董芬撰

書經解

無卷數 董芬撰

論孟叅看

無卷數 白鍾靈撰

四書五經會心編

無卷數 膚施趙應震撰

五經性理書

無卷數 明舉人安定白爾瑜撰 今佚

四書正誤

無卷數

明安定孫愚撰

四書存問

無卷數

孫愚撰

禮記釋義

無卷數

國朝遷安縣膚施武綰周撰

四書大意恭

無卷數

國朝進士膚施南儀撰

劉氏家禮

無卷數

明慶王府左長史劉瑞撰

師友錄

無卷數 明安定孫恩撰

古今立命劑

無卷數 明縣學生安定孫繩徽撰

行人酒令

一卷 明副使安塞馬懋才撰

陝西通志

一百卷 國朝貢生宜川劉漢客等同撰

南陽府志

不著卷數 劉漢客撰

安定縣志稿

無卷數 明孫愚撰

宜川私紀

無卷數 明宜川劉嘉賓撰

宜川私紀

無卷數 明宜川趙翼鴻撰

延長紀事略

無卷數 國朝貢生延長李養仲撰

延長縣志稿

無卷數 國朝貢生延長樊鍾秀撰

趙戶部年譜

一卷 國朝戶部湖廣司主事膚施趙廷錫撰

燕山稿

無卷數 明順天府照磨安塞韓景陽撰 今佚

望雲集

無卷數 韓景陽撰 今佚

寄間堂集

無卷數 明巡撫都御史膚施楊宗氣撰

霖雨樓集

無卷數 楊宗氣撰

丹山集

無卷數 明武鄉縣知縣膚施趙仕撰 按仕之孫彥

官尙書有等邊略今毀

理學會編

無卷數 明膚施趙應震撰

嵐涼草

無卷數 明副使安塞馬懋才撰

焚餘詩艸

無卷數 馬懋才撰

寄寄集

無卷數 明主事安定白鍾靈撰 今佚



損益編

無卷數 白鍾靈撰

橋麓集

無卷數 明劉孺撰

趙戶部詩文稿

無卷數 趙廷錫撰

雲岡集

無卷數 國朝電白縣知縣安塞郭指南撰

江南游艸

無卷數 郭指南撰

西歸吟

無卷數 郭指南撰

近花亭詩稿

無卷數 國朝貢生安定李宗白撰

樊鍾秀詩稿

四卷 樊鍾秀撰

延安府志卷六十九

文徵三

詔勅

漢文帝發邊吏騎詣高奴詔漢與單于約爲昆弟毋使害邊境所以輸遺單于甚厚今右賢主離其國將衆居河南降地非常故往來近塞捕殺吏卒驅保塞蠻彘令不得居其故陵轢邊吏入盜甚敖無道非約也其發邊吏騎八萬五千詣高奴

隋煬帝答啟民詔君子教人不求變俗何必化諸削衽糜以長纓

宋神宗元豐二年八月封渾忠武王勅古之諸侯得祀其境內山川之神非使之徼福以利乎已也蓋神之德及民則思所以報之眷言靈祠奠彼邦服比因旱熯嘉澤應祈有司請焉宜有昭答疏爵錫號顯揚神庥宜特封忠武王故勅

附 中書門下牒

太常禮院奏准中書批送下丹州奏狀當州據宜川縣狀申照會近於本年二月中爲雨雪愆潤本州准都轉運司牒准朝旨名山靈祠悉長吏精處祈禱尋有知州左藏庫副使率州縣官吏親詣本州鳳翅山唐忠武渾

王廟祈禱迎聖水赴州應期得雨潤深一尺苗種並皆  
霑足檢會渾王名城唐時封本州咸寧郡王其廟今土  
俗呼爲渾王土地廟內有聖水病者飲之亦多得痊愈  
今來依准朝旨祈求便獲時雨之應顯是祈禱靈驗檢  
會熙寧七年勅書節文應天下祠廟祈禱靈驗未有爵  
號者當以名聞雖有爵號而褒崇未稱者亦仰聞奏本  
州勘會渾王城在唐嘗立太功遂封本州咸寧郡王廟  
食至今不絕凡有祈求悉皆應驗近以雨雪愆潤本州  
於今年二月二十日承准都轉運司牒准朝旨訪尋管  
下名山靈祠委所在長吏躬親虔禱州司尋帖宜川縣

勘會據本縣狀申今州界有鳳翅山潭王廟神靈兼有  
聖水本州知州左藏庫副使高渙於當月二十三日躬  
親往詣虔禱及迎聖水赴州至當月二十九日三十日  
三月初一日初八日共四次降雨一尺民田高下普遍  
霑足百姓歡呼豐年有望兼會至和二年自冬至春不  
雨有知州內殿承制開門祇候段隱禱於祠下尋獲嘉  
應爲文祭饗刻石在廟前後公私祈禱並有神驗委是  
一州之內靈祠且朝廷賞典必有功德被於民者然後  
行之况渾王城生有勲勞已褒榮於爵號歿而英靈能  
福佑於州民今據宜川縣備錄在前伏望朝廷特沛殊

恩別加徽稱使其忠義之魄不獨受榮於前世矣具狀  
奏聞伏候勅旨狀前批送當院者當院者詳咸寧郡王  
廟圖經所載祈禱有應緣自唐加封玉號聖朝未曾褒  
崇合賜改封王號伏候勅旨奉勅丹州咸寧郡王特封  
忠武王牒至准勅故牒元豐二年八月

附  
中書劄子

丹州咸寧郡王廟已降勅命特封忠武王右奉聖旨宜  
令丹州差官往彼精處祭告及造牌額安掛所有勅牒  
仰本廟收掌應有合行事件令太常禮院檢會施行劄  
付丹州准此元豐二年八月

附  
降服式記

元豐二年八月准勅據丹州奏祈雨感應特封忠武王  
再陳請祈降服式至三年九月准中書批降禮院狀定  
到服章卽日改製洎徙夫人於後殿不浹旬工畢時閏

九月初二日高渙記

宋哲宗元符二年答令能嵬名濟等詔爾以凶黨造謀數  
干邊吏而能悔過請命祈紹先盟念彼種人均吾赤子措  
之安靜乃副朕心嘉爾自新俯從厥德爾無爽約朕不食  
言自今已往歲賜仍舊勅

唐常袞行授辛德謙丹延團練使制勅上郡北地義渠故



國師制戎狄屏於關中當此襟要難於鎮守前朔方留後  
在廩兵馬使同節度副使開府儀同三司試太常卿兼御  
史中丞單于副都護充振武軍使上柱國辛德謙山西出  
將代有勲業長材偉畧主之以忠峻節明斷服之以禮頊  
者職貳留府朔陲分鎮橫絕大漠堅守孤城能詳武經載  
討軍實推以恩信濟其威懷士卒知方羗夷服化休有茂  
績著於北邊用觀勞臣俾膺重任委以藩事捍茲戎疆列  
在儲案之右參於憲臺之長中外兼榮服我嘉命可試太  
子詹事兼御史大夫持節都督延州諸軍事兼延州刺史  
充丹延兩州都團練使守提使散官勳封如故

唐陸贄行投唐朝臣振武節度論惟明鄜坊觀察使制分  
命使臣統臨方岳弛張之道蓋亦從宜近甸無虞則但康  
風俗邊陲式遵則兼假旌旌名制雖殊委任俱重膺是選  
命莫非勲賢開府儀同三司檢校兵部尚書兼鄜州刺史  
鄜坊丹延等州節度觀察處置等使平樂郡王唐朝臣嘗  
總偏師邁於多難仗義率衆臨危不回保全關衝抗絕竟  
逆守而能固出則有功每急病而攘夷嘗以寡而敵衆竟  
殲大慙克集茂勲炳然真心堅若金石洎息師旋歸按俗  
頒條軍旅旅慰安流庸悅附奉天定難功臣開府儀同三  
司檢校工部尚書兼左金吾衛大將軍充右街使上柱國

建康郡王論惟明釋位勤王有赴難之節捍城禦寇有持危之功奉主忘身棄家從國赴自郊甸載踰巴梁險阻艱難靡不陪扈忠義所在死生以之允司禁戎益茂勲績器質敦實識度寬敏通明吏職練達武經本之以純良輔之以才術俾居藩翰僉謂汝諸朕以北控單于國之巨鎮彼方戎帥沉錮是嬰臥護邊軍已淹寒暑憫其盡瘁難以重煩爰咨信臣更踐厥職朝臣可依前檢校兵部尚書兼單于大都督護御史大夫充振武綏銀鄜勝等州節度營田處置押蕃落等使惟明可依前檢校工部尚書兼鄜州刺史御史大夫充鄜坊丹延等州都防禦觀察處置等使餘

並如故

唐韓儀行投李思讓延州節度使制門下夫息亂以靜濟道者權當底定干戈之時乃更易節旄之任寧辭改作式貴叶宜不移將相之榮別奉蕃宣之寄用光勲傑爰舉寵章具官某氣薄雲天志堅金石蘊剪起之雄勇負寇賈之智謀誠明可以伏鬼神義烈可以貫風雨累代以勲勞報國徇節忘生一門以忠孝承家推心濟物功銘鐘鼎誓著山河每逢多難之秋必奮安危之用昨以邪岐動衆畿甸匪寧授以統臨錫之鈇鉞舉旄効命投袂連行備聞靡盬之誠克抱盡敵之意朕念兵革繁興十有八載蒸黎板蕩

邑里洞虛爲人父母之心深慙涼德拯國艱危之運惟有  
責躬爰議罷兵用安率土又念昨者邠人不令潛持兩端  
有悞軍機遂成退守復臨彼土自不懷安雖欲撫寧諒難  
輯睦是乃換雙旌之雄重割兩郡之膏腴成一家千里之  
封列三鎮十連之貴勉思勤竭膺我寵靈

宋歐陽修行賜西京作坊使知麟州王慶民獎諭敕書敕  
王慶民省所奏准樞密院劄子節文以臣撰成麟府二州  
絹圖一函并序目二冊詣闕上進事具悉古之用兵者必  
因地形制方畧然後可以策勝敗之算運奇正之謀爾以  
村武之資有敏明之識自膺東寄出守邊封而能周知山

川險易之形歷覽亭障屯防之要列爲凡目彙爾條陳不  
惟指掌於披圖足以因時而制變遽茲來上深體乃忠省  
閱以還歎嘉曷已故茲獎諭想宜知悉

歐陽修行任守信遙郡刺史郵延路駐泊兵馬鈴轄詔國  
家自靈夏不賓邊隅多警議者率以謂用兵之道任將宜  
專恩信不久則無以得士心山川不習則不可圖勝算自  
兵宿於野久而無功此殆將帥數易之患也苟有能者無  
遽奪焉以爾具官任守信選以敏才臨於戎事肅軍捍寇  
宣力有聞遽以飛章自言滿歲顧久親於矢石豈不念於  
勤勞然而士卒之樂旣汝安羗夷之情惟汝熟雖欲代汝

實難其所宜旌以郡章仍臨舊部體茲委寄服我茂恩  
歐陽修行撫問麟府路臣寮口宣卿等肅有時村并分邊  
寄顧蘊隆之在候嘉勤瘁以不忘式示撫存體茲東注

宋王珪行除程戡安武軍節度使再判延州制周禮命卿  
司馬掌國征之事漢儀遣帥將軍專閭制之權自非謀經  
帷幄之容名厭疆陲之難則何以稽圖而受社賜律以臨  
戎茲疇舊政之良式協師虞之望具官程戡體忠誠之度  
蹈夷雅之風進塞藝文之華仕偕名秩之膺方先朝之額  
俊更三府之告猷左右六年夙夜一節肆纂休於皇序適  
留寄於邊衝空深寤寐之思且重安危之倚上金城之方

畧猶知充國之疆習關里之絃歌還見祭遵之佚就付兩  
河之飾薦綬西上之封旣衍食於爰田復倍輪於真戶風  
聲雖舊罷數維新於戡制邊疆者備不可遽忘守方隅者  
勢不可數易蓋威素伸則敵情熱信久者則士心懷尚堅  
壯圖往服泥命

宋曾鞏行奏議郎景思誼授東上閣門使鄜延第一副將  
勅具官某西討之兵有陳戰之功者朕無不錄爾能致其  
材武奮擊黜羌克敵摧鋒屢以捷報矚庸較實宜有異恩  
介上閣之使名貳連營之將頌茲爲獎拔益匪常科尚勵  
壯謀益思來效可



延安府志卷七十

文徵三

表狀劄子

隋啟民可汗乞依服飾表已前聖人先帝莫緣可汗存日  
憐臣賜臣安義公主臣種未爲聖人先帝憐養臣兄弟妬  
惡相共殺臣臣當時無處去向上看只見天下看只見地  
實憶聖人先帝言語投命去來聖人先帝見臣大憐臣死  
命養活勝於往前遣臣作大可汗坐著也突厥百姓死者  
以外還聚集作百姓也至尊今還如聖人先帝於天下四  
方坐也還養活臣及突厥百姓實無少短至尊憐臣乞依

大國服飾法用一同華夏

宋西夏主李元昊告卽位表臣祖宗本出帝胄當東晉之末運剝後魏之初基遠祖思恭當唐季率兵拯難受封賜姓祖繼遷心知兵要手握乾符大舉義旗悉降諸部臨河五郡不旋踵而歸沿邊七州悉券肩而克父德明嗣奉世塞勉從朝命真王之號夙感於頒宣尺土之封顯蒙於割裂臣偶以狂斐制小蕃文字改大漢衣冠衣冠旣就文字旣行禮樂旣張器用旣備吐蕃塔塔張掖交河莫不從伏稱王則不喜朝帝則是從輻輳屢期山呼齊舉伏願一垓之土地建爲萬乘之邦家於時再讓靡遑羣集又迫事不

得已顯而行之遂以十月十一日郊壇備禮爲世祖始文  
本武興法建禮仁孝皇帝罔稱大夏年號天授禮法延祚  
伏望皇帝陛下睿哲成人寬慈及物許以西郊之朋爲南  
面之君敢竭愚庸常敦歡好魚來鴈往任傳鄰國之音地  
久天長永鎮邊方之患至誠歷懇仰俟帝俞謹遣弩涉俄  
疾爾斯悶臥普令濟鬼崖孀奉表以聞

西夏主李乾順賀正表斗柄建寅正帝歷更新之旦葭灰  
飛管屬皇圖正始之辰四序惟先一人履慶恭惟化流中  
外德被邇遐方熙律之載陽應令候而布惠克凝神於突  
與務行政於要荒四表無虞羣黎仰治受鳳闕屆春之早

協龍廷展賀之初百辟稱觴用盡輸誠之意萬邦薦祉克  
呈獻歲之心謹遣大使武功郎段細好德副使宣德郎李  
膺等貢表詣闕以聞

宋范仲淹延州謝上表伏奉勅命就差臣兼知延州軍州  
事已到任交割管勾訖討伐之秋委寄方重豈繫懦品可  
副聖憂臣中謝竊以延水極邊東夏雄屏控點虜虜之衝  
要歷大臣之鎮臨范廷召出師於塞門向敏中移節於京  
兆斯爲劇任曷在匪人况經侵軼之虞彌藉緝綏之政宿  
兵旣盛爲地可知臣職貳綬戎志存殄寇所宜盡瘁敢昧  
請行白薦老臣固慙於漢將誓平此賊詎擬於唐賢伏蒙

陛下曲徇微忠亟頒成命寬其無狀用之弗疑臣夙夜敢  
寧奔馳罔暇刻時蒞事翌日興師度牽制於戎心仍掩襲  
於邊落大軍已出中使聿臨不謂屏謀偶符府算所期一  
勝少慰焦勞重念百姓屢驚體當招撫五兵久戢務在訓  
齊如治亂繩必期於耐事先除害馬亦假於行權仰賴聖  
威卽紓邊患

宋司馬光乞罷修腹內城壁樓櫓及器械狀准熙寧三年  
十一月初七日准樞密院劄子節文檢會近爲麟府路豐  
州及外堡寨官吏弛慢不職不修完城池樓櫓器械等已  
奉聖旨降官等第斷遣及劄與三路轉運司徧牒轄下公

邊州軍知委去訖近又據陝西路提刑宣撫司奏華州甲  
仗庫弓弩不堪蓋是監管並本州官員全不用心點檢有  
誤緩急使用其鈐轄盧戡坐受優俸空占當直兵士畧不  
營職朝廷已令鄜延路經畧司舉官差督盧戡其華州甲  
庫弓弩不堪本州當職官員全不用心點檢仍宣撫司差  
官取勘聞奏竊慮諸路亦有不修完城壁器甲等去處奉  
聖旨令河東河北陝西經畧安撫司指揮轄下州軍委官  
吏仔細點檢須管日近修完城壁樓櫓堅固器甲精利如  
將來朝廷專差官點檢得却有未修城壁樓櫓器甲等其  
應干官吏必當依此重行斷遣劄付本司者尋依准朝旨

行下本路諸州軍施行近准虢州申州司勘會本州雖陝西路卽不係近邊州軍其州城從來並不曾有敵樓戰棚爲自來霖雨損壞摧塌及無兵功累年不曾修築今來亦不敢專擅役夫修築已牒在城兵馬都監呂士宜重行檢計損壞城邑去處才候檢計到合使人功物料別具狀供申乞差兵夫次及據解州申准兵馬監押狀申准州牒備錄到安撫使司牒內坐到聖旨指揮修完城壁樓櫓等將帶壕寨木匠作頭等檢計外羅城面上只有更屋二十三座並係年深倒塌及城壁墜倒久來亦不曾泥補修完伏乞據狀申上衙乞差官計料修城人並及剝添樓櫓免

致將來朝廷差官檢視見並不修完城壁及創葺樓櫓虛  
負責降停晉州司勘會舊來城上並無樓櫓卽目城面上  
闕處只及四五尺以來今若指揮使行創造又緣緣合使  
人工材料數目不少今來未敢專擅創修伏候指揮 右  
謹具如前期會管下永興等一十州軍城壁內有久來已  
行安置樓櫓完備亦有城壁低下薄怯全未有樓櫓去處  
其逐州州官吏旣准上項朝旨及見麟府豐州官吏以不  
修完城壁樓櫓器甲降官等第斷遣并華州官吏差替取  
勘仍恐朝廷非時差官點檢例各畏懼爭欲日近興功完  
葺以避譴責伏緣營造樓櫓須藉城基厚濶濶方可安置



今來僻號兩州城壁皆稱濶處只及四五尺似此之類須  
是先貼築城基方可剝修樓櫓若非大段興功無以辦濟  
況今本路州軍全闕廂軍應急差使官庫亦闕見錢收買  
材料若是差役人夫配率材料又緣陝西州軍已是去歲  
夏麥薄收秋苗旱傷當此饑饉人戶流移之際若更加此  
差擾必是轉難存濟兼永興軍一路州軍盡在腹裏去公  
邊絕遠設若蕃賊入寇亦未能便到逐州軍城下其樓櫓  
修下數年不用不免損壞今來若盡與公邊州軍一例須  
管日近修完城壁樓櫓堅固器甲精利顯見官私虛有勞  
費欲乞朝廷特降指揮其公邊又次邊州軍卽一依近降

朝旨修完所有腹內州軍城壁樓櫓並候將來豐熟以漸  
營葺其器甲卽據不堪數目逐旋勅作院人匠依程課修  
整務令精利所貴公私皆得辦濟

宋歐陽修論麟州事宜劄子臣昨奉聖旨至河東與明鎬  
商量麟州事緣臣未到問鎬已先有奏議尋再準樞密院  
劄子備錄鎬等所奏令臣更切同共從長相度臣遂親至  
河外相度利害與明鎬等再行商議乞那減兵馬人數可  
以粗減兵費已具連署奏聞此外臣別有短見合盡條陳  
其利害措置之說列爲四議謹具畫一如後 一曰辨衆  
說臣竊詳前後臣寮起請其說有四或欲廢爲寨名或欲

移近河次或欲抽兵馬以減省饋運或欲添城堡以招輯蕃漢然廢爲寨而不能減兵則不若不廢苟能減兵而省費則何害爲州其城堡堅完地形高峻乃是天設之險可守而不可攻其至黃河與府州各纔百餘里若徙之河次不過移得五七十里之近而棄易守難攻之天險以此而言移廢二說未見其可至如抽減兵馬誠是邊議之一端然兵冗不獨麟州大弊乃在五寨若只減麟州而不減五寨與不減同凡招輯蕃漢之民最爲實邊之本然非朝廷一力可自爲必須委付邊臣許其以任漸推恩信不限歲年使得失不繫於朝廷之急而營緝如其家事之專方可

收其遠效非二年一替之吏所能爲也臣謂減兵添堡之說遠之而未得其要 二曰較存廢今河外之兵除分休外尚及二萬大抵盡河東二十州軍以贍二州五寨爲河外數百邊戶而竭數百萬民財賊雖不來吾已自困使賊得不戰疲人之策而我有殘民斂怨之勞以此而思則似可廢然未知可存之利今二州五寨雖云空守無人之境然賊亦未敢據吾地是尚能斥賊於二三百里外若麟州一議移廢則五寨勢亦難存兀爾府州便爲孤壘而自守不暇是賊可以入據我城堡耕牧我土田夾河對岸爲其巢穴今賊在數百里外沿河尚費於防秋若使夾岸相望

則泛舟踐冰終歲常憂寇至沿河內郡盡爲邊戍以此而慮則不可不存然須得存之之術 三曰減寨卒臣勘會慶歷三年一年用度麟州用糧七萬餘石草二十一萬餘束五寨用糧一十四萬餘石草四十萬餘束其費倍於麟州於一百二十五里之地列此五寨除分兵歇泊外尚有七千五百人別用二千五百人負糧又有并忻等十州軍百姓輸納外及商旅入中往來其冗長勞費不可勝言逐寨不過三五十騎巡綽伏路其餘坐無所爲蓋初建五寨之時本不如此寨兵各有定數建寧置一千五百人其餘四寨各止三百至五百今之冗數並是後來增添臣謂今

事宜稍緩不比建寨之初然且約舊數尚不至冗費臣請只於建寧留一千人置一都巡檢其鎮川中城百勝三寨各留五百其餘寨兵所減者屯於清寨堡以一都巡檢領之緣此堡最在近東隔河便是保德軍屯兵可以就保德軍請糧則不煩輸運過河供饋若平日路人宿食諸寨五百之卒巡綽有餘或些小賊馬則建寧之兵可以禦捍若賊數稍多則清寨之兵不失應援蓋都不去百里之內非是減兵但那移就食而已如此則河外省費民力可紓

四曰委土豪今議麟州者存之則困河東棄之則失河外若欲兩全而不失莫若擇一土豪委之自守麟州堅險與

兵二千其守足矣况所謂土豪者乃其材勇獨出一方威名既著敵所畏服又能諸敵情偽凡於戰守不至乖謀若委以一州則其當自視州如家繫已休戚其戰自勇其守自堅又其既是土人與其風俗情接人賴其勇亦喜附之則蕃漢之民可使漸自招集是外能捍賊而戰守內可輯民以實邊省費減兵無所不便比於命吏而往凡事仰給於朝廷利害百倍也必用土豪非王吉不可吉見在建寧寨蕃漢依吉而耕於寨側者已三百家其材勇則素已知名况其官序自可知州一二年間視其後効苟能善守則可世任之使長爲捍邊之守 右臣所陳乃是大計伏望

列女傳卷之十一  
聖慈特賜裁擇若可以施行則紆民減費之事各且預具  
條列取進止

宋曾鞏代皇子延安郡王謝皇太后表伏奉制命除授臣  
檢校太尉開府儀同三司充彰武軍節度使進封延安郡  
王再奉表陳免蒙賜批答不久仍斷來章者竊以盛威儀  
於宰路以重朝廷疆形勢於宗藩用臨方夏宜兼獎渥屬  
在親賢諷及冲幼倍深兢慎中謝伏念臣蒙休宸極託蔭  
慈聞未閱六甲之書甫在兩髦之歲揆材至薄曾無特異  
之資知善可遷竊有自強之志已塵高位愧乏微勞詎意  
仁恩更崇命秩抗等威於元宰躋爵列於真王自顧空疎



將安報稱茲蓋伏遇皇太后殿下輔成世教陰厚人倫均  
至愛於諸孫假餘光於群齒致茲異數猥被剪能敢不自  
勵童蒙嚮慕日新之益庶幾壯大仰酬坤育之私